

سليمانه نظيف

چالينميش اولكه

مشهودات و وثائق رسميه به مستند
بعض معلومات تاريخيه

يكيه طبعه

بارغالي خجاده رشيد افندي خاننده

۱۳۴۲ — ۱۹۲۴



سليماره نظيف

چالينمش اولكه

مشهودات و وثائق رسميه به مستند
بعض معلومات تاريخيه

يکي و طبعنا

باري غالي جاده نيننده رشيد افندي خانيند

۱۳۴۲ — ۱۹۲۴

هر حقی محفوظدر .

مقدمه

وحیدالدینک صوک ایام سلطنتنده یومی غزته لرله نشر ایدلمش اولان بش مقاله دن متشکل بو کوچوک کتابک موضوعی ، عثمانلی سلطنت منقرضه سی تاریخنک صوک صحیفه لرینه اهمیتله درج و قید ایدلمکه لائقدر . غصب و غارت ، مطرد اصول و قانون شکلنه قونولارق ، میلیونلرجه اهل اسلامک رزقی بر ربع عصر دن فضله تالان ایدلدی . انصافک او دورده و او یرلرده نامی یوقدی ! . . .

۱۰ تموز انقلابی عبدالحمیدک عبادالله دن مغضوب **امروک منه سنی**

امروک مدوره نامیله ، فقط اسکی و مشروع صاحب لرینه دکل ، مالیه خزینه سنه دور ایتشدی . مالیه نظارتی اوکی حقسزلقلری ازاله ایده جک یرده ، عیناً ادامه ایتکدن بشقه برشی یایمق ایسته مدی . احتمال که تنظیم و اصلاحه وقت بولامادینی ایچون

حرب عمومینک متارکه نامه سی بر بوچوق میلیون شهیدک قانیله امضالانیرکن ، عبدالحمیدک تختنده هر معناسیله کوچوک ، قاردرشی وحیدالدین بولونووردی .

بو کوچوک قاردرش ، عبدالحمیدک آل و اولادیلر برلشه رک **امروک منه سنی** مسئله سنی تکرار او یاندرمق ایستدی . انکلیزلرله موسویلر بو اراضی بی اشترا ایچون یوز میلیون انکلیز لیراسی بدل تکلیف ایدیورلردی . عبدالحمیدک ورثه سی بو مقداره راضی اولدی . ویکرمی میلیون انکلیز لیراسنی ده وحیدالدینه ، اصدار ایده جکی اراده یه مقابل ، ترک ایده جکنی تعهد ایتدی . وحیدالدینک امرینه ، باب عالی در حال مطاوعت ایتمش و املاک مدوره یی ینه **امروک منه سنی** نامیله

عبد الحميدك وارثلری عهدہ سنہ چہ ویرمشدی . کندی سلطنتی داخلندہ قالان یرلری ، شخص وخاندانک معیشتنی ، داها طوغروسی واسطه ذوق وسفاہتی تأمین ایچون ، انکلیزلره پیشکش ایدرکن ، آلدن چیقمش ولایتلرک طوپراقلرینی ده مقصدی پک واضح اولان برہیت صرافیه یه صامق تشبندہ بولو نو یوردی . هندستانہ اک اول برتجارت شرکتی صورتندہ کیرن انکلیزلر ، اورایہ یاواش یاواش حلول ونفوذ ایله ، بش میلیون اوتوز آلتی بیک کیلو مترو صربی اراضیدہ متوطن وایکی یوز طقسان بش میلیون نفسدن متشکل بر جمعیت بشریہ یه تغلب وتمک ایتدیلر . انکلیزک پک ظالم اولان حرصی ، بو ایکی یوز طقسان بش میلیون مخلوق شیمدی انساندن زیادہ حیوانہ قریب بر ذلت ایچندہ یاشادیور . خاندان آل عثمان ، یوز میلیون انکلیز لیراسنہ نجد ، عراق ، سوریه ، فلسطین کبی اسلامک تاریخی وابدی دیارلرینی اک بویوک دشمن اسلامہ صاتاجقدی . کندیسندہ خلافت محمدیہ بر استحقاق سماوی بولوندیغنی ادعا ایدن بو عائلہ طرفندن امت محمدہ ایفا اولونان خدمتلرک اک صوکی بو آلدش ویریش بازارلنی اولدی . وکیللری (لوزان) قونفرانسندہ حرارتلہ چالشدقلری کبی ، حالا برطاقم آووقاتلر دنیانک اوتہسندہ ، بریسندہ آووج آووج پارہلر صرف ایله ، او مقصدی تعقیب ایدیورلر .

عبد الحميدك بویوک اوغلنہ خطاباً ینہ اوزمان یازمش اولدیغ آچیق مکتوبی ده بو صحیفہلرہ علاوه ایتدم . تبلیغہ توسط ایتدیکم نیاز اسلام ، شهزادہنک قلبندہ هیچ برمعکس شفقت بولمادی . بر شهزادہده رحم ورقنک وجودینہ بر آراق امکان ویرہجک قادر مغلوب خیال اولمش بولوندیغمه شیمدی شاشیور واوتانیورم . خصوصیلہ آلتی یوز سنہلک اوزون بر تجربہدن صوکرہ !

نشان طاشی ، ۱۸ مارت ۱۹۲۴

سلیمانہ نظیف

سلطان عبدالحمید خان ثانی ، بیک اوچیوز تاریخچرندن حاکمیت ملیه بی صاحب حقیقسنه اعاده ایتدیکی زمانه قادار ، تام برربع عصر ، بر چوق اراضی و املاک ایله بعض معادن امتیازلرینی کندی عهدہ تصرفه کچیرمشدی . خزینہ خاصه سنک ناظری اولان آغوب پاشانک آچدیغی بودور تملک ، بیک اوچیوز یکرمی درت سنه سنک تموزده قاپاندی . موصل ولایتنک اقطار شمالیه سندن بصره ولایتنک مناطق جنوبیه سنه و حلب ولایتندن قدس سنجاغنه قادار ، قوجه بر قطعه نک شرقده ، غربنده ، آغوب پاشا ایله خلفری طرفدن یرلشدرلش اولان املاک سنیه اداره لری ، عباداللهک سندات خاقانیه و یا حجاج شرعیه و یا خود شرع ایله قنونک قبول ایتدیکی عرف و تعامله تصرف ایتکده اولدیغی طوپراقلری ، اورمانلری اصحابندن غصب ایتکله اکتفا ایتیمور ، حکومت ملکیه نکه ده اک بارز حقوق و صلاحیتته تسلط ایدیوردی . هیچ اونو تمام : ۱۳۱۲ سنه رومیه سنده و موصل ولایتنک اربیل قضاسی داخلنده کائن (شامک) ناحیه سنده (احمد کچکه) آدی شریر بر شقی پیدا اولمشدی . بوشقاوتنک شرته مدار دوام و مدار تزیاید اولان سبب ، شقینک املاک سنیه داخلنده ساکن و مأمورین انضباطیه نکه املاک سنیه داخلنه دخولدن ممنوع اولماسی

یدی . او وقت موصل والیسی و توماندانی اولان عبدالله پاشا
 حضرتلری - که متار که دن سوکره بر مدت حربیه نظارتنده بولو -
 ندیلر - ژاندارما و عسکر دن سوق ایتدیکی مفرزهیه ، شقی بی هر یرده
 تعقیب ایچون امر ویرمشدی . بو امر سایه سنده او شقی تأدیب
 ایدلدی . آرادن بر قاچ کون کچمشدی . خزینه خاصه ناظری میقاتل
 پورتقال پاشا ، املاک سنیه داخلنه ژاندارمه و عسکر سوق ایدلمش
 اولدیغنه بیان تاسف ایدر کن ، بو حرکتک مفارصاقت اولدیغنی تصریح
 یح ایله ، عبدالله پاشایی تهید ایدیوردی . پاشا ویردیکی جوابده ،
 ممالک شاهانه نك اراضی منیه و اراضی ملکیه ناملریله ایکی یه تقسیمی ،
 صداقتسنز لکلرک اک بویوکی اولمق لازم کلدیکنی و عین منبعدن اخذ
 قوت ایدن بر حکومتک ، هر یرده عین صلاحیتله ایفای وظیفه ایتدیکنی
 متجددانه بیان ایله خزینه خاصه ناظرینک صداقتی استخفاف ایتمشدی .
 اسبق شیخ الاسلام و دائماً فخر الاسلام حیدری زاده ابراهیم افندی
 حضرتلری اوزمان موصلده مدعی عمومی ایدیلر . بویوک دوستم
 و عزیز استادم امروک منیه نك کرک حقوق ، کرک جزا محکمه لرینی
 نه قدر اشغال ایتمش اولدیغنی هر کس دن زیاده بیلیرلر .

سلطان عبدالحمیدی بو حرکاته سائق اولان نه ایدی ؟ . . . بونی
 پسیقولوژی علماسی دها آبی ایضاح ایده بیلیر : بعضی معلول مزاجلر
 واردر که تخیل ایتدکلرینی همان امید ایدرلر . و امیدلری ده چارچابوق
 یقین و قناعت شکل و قوتنی آلیر .

سلطان عبدالحمید ثانی ده بویله ایدی . اونوی بودولت و ملتدن داها
 چوق یاشایاجغنه و زراسیله اطباسی و حکمدارلر عهده سنده کی اموال

سلطان عبدالحمید ثانیك منفعت خصوصیه سنی بالعموم منافع ملیه نك وحتی حیات دولتك فوقنده طوتان خزینة خاصه مأمورلری ، استانبولده کی ناظرندن عراقده کی چوبانه قادار ، عین غیرتله توسیع ملکه اهتمام ایدرلردی . توسیع ملك دن بوراده بشقه معنی چیقار - یله بیلیر ؛ دفع التباس ایچون توسیع امورك دیمك داها مناسبدر .

املاك سنیه مستخدمینك بر ممتازیت سماویه ایله اجرای احکام ایتدکلری هر ولایتده مأمورین دولت ، تام بر ربیع عصر ، عاجز و متحیر قالدی . خزینة خاصه نك منفعتمنده کی قدسیت فائقه بی تصدیق ایتمین هر وظیفه پرست مأمورك عزل و تبعیدی محقق ایدی : خزینة خاصه جه لطفاً کوز دیکلمش اراضینك مشروع صاحبیرینه قانونك آغوش حمایتی سدا ایتمین حا کمر ، بیت المال امتدن متوالیاً غضب اولونان وارداتی خزینة خاصه دن خزینة عامه یه ارجاع ایتمک چالیشان مال مأمورلری ، املاك سنیه داخلنده بارینان اشقیایی ، آلرنده محاکم عدلیه نك اخذ و گرفت امرلری اولدیغی حالده ، تعقیب ایله راحتسز ایدن ژاندارما - ویا او زمانك تعبیرنجه ضبطیه - ضابطان وافرادی ، والحاصلی والیردن ناحیه مدیرلرینه وکوی مختارلرینه قادار ، هر کس وهر کس کندی کردن وظائفنده املاك سنیه مأمورلرینك بوغان وقهر ایدن ربقه تحکمنی تام یکر می بش سنه طاشیدی ، طوردی .

بو کیلرک خانمانی سوندورمکه آغوب پاشا ایله اخلافنک باب عالی یه
بر امر و اشارتی کافی ایدی .

ایلك مقاله نك انتشاری اوزرینه واقع اولان بر اعتراضه بوراده
جواب ویرمک ایسترم . بعض ذوات بکا دیدیلرکه : (سلطان عبد-
الحمید خان ثانی اون دورت سنه دن بری تاریخه قاریشمشدر . و تاریخه
قاریشمش بر آدامک ذات وزمانی یومی غزته لرك ستونلرنده موضوع
بحث ایدمک مناسب اولماز .)

أوت ، بنده تصدیق ایدرم که ، حیاتی تاریخه قاریشمش اولانلره
جرائد یومیه نك حق قضاسی شامل دکدر . فقط ماضی یه قاریشمش
اولان وقایعدن بری خورتلار و حال واستقباله تحکم ایتمک ایسترسه
حقیقی صحه لرله تشهیر ایتمک وظیفه و فرض اولور . امروک مدوره نك
امروک سفیه شکلنده استرداد ایچون بر مدتدن بری بعضی
کیمسه لرجه تعقیب ایدلمکده اولان خام بر آرزو ، موهوم بر منفعت ،
ونتیجه اعتباریله پک مضر بر تشبث اولماسهیدی ، مرحومک بش
سنه لک قبردن خلقه بر پنجره ده بن آچازدم . اویله ظن ایدیورم که
صوصمقله عرقه ودینه خیانت ایده جکم . بعضیلری کبی بنمده اعتقاد بجه ،
بعضاً سکوت ایتمکده یالان سویلمکدر .

صده کلهیم :

سلطان عبدالحمید ثانی نك املاک سینه سنه عائد سیاستی بن یالکز
اوج ولایتده : موصل ، بغداد و بصره ولایتلرنده تدقیق ایده بیلدم .
اک اول موصلده کی صفحاتی کورمشدم ؛ مثلاً اربیل قضاسی
داخلنده کیلر : تارلار باشند باشه مزروع ، کویلر سراپا معمور ،

معموره لر هپ مسكون ، اورالرك انسانلری ده ، حیوانلری ده قو-
مشولردن بك زیاده وقومشولریله قیاس ونسبت قبول ایتیهك
درجه ده مرفه ایدیلیر . ایلک کوروشده منظرهك جاذبه سنه قاپلمقدن
منع نفس ایدمه مش ، اوف ! . ایته کوزل برقطعه وطن ! . . .
دیمشدم . فقط شوق وهیجانمك بیک پارچه اولارق ، خسرانرك
اك آجیسنه برآنده انقلاب ایدمه بیلمه سنه ایکنجی برنظر ، کوچوک
بر ملاحظه کفایت ایتدی . کوردم که بو عمران هپ اطرافدن وینه
عثمانلی دولتنگ ملکی اولان طوپراقلردن برر برر چالینارق اورایه
کتیرلمش . اوسوسلو جبهه لرده سیرایتدیکم ، هپ تمل طاشلری ایدی .
اراضی سنیه داخلنه کیرمش مثلاً اللی کیلو مترو مربعی وسعتنده کی
بر پارچه بی اعمار ایچون ، اراضی ملکیه حدودی داخلنده قالمش
اولان یرلردن لاقول ایکی یوز کیلو مترو مربعی برقطعه وطن ،
کویلی ، تارالریله برلکده ، تجریب ایدیلیوردی . اوپله زمانلر
اولدی که بعضی کیمسه لر ، بيلم قاق بطن اجداددن توارث ایتدکلری
مال وملکی داها راجت یاشامق اضطراریله ، خزینئه خاصه نامنه نقل
وقید ایتدیر ، که باشلادی . بونک متعدد سائقلردن یالکز بریسنی
سویلیهیم :

هرسته مارت آینک ایلک کونندن اعتباراً - حال ومحل ایله
موسمك ایجاباتنه کوره بو مدتک بعضاً بر قاق هفته تقدیم ویا تأخیر
اولوندیغی ده واقع ایدی - تعداد اغنام معاملاتنه باشلانیردی . وخاطر -
مده قالدیغنه کوره ، او تاریخده هر قویوندن اوچ غروش رسم آلیر -
لردی . خزینئه خاصه نظارتی شرفصدور ایتدیردیکی بر اراده سنیه

ایله بور رسمی ، املاک سینه داخلنده تعداد اولوناجق اغنام ایچون ، نصفه ، یعنی آلتش پارهیه ایندیرمشدی . وبو آلتش پارهیی ، رسمک مشروع صاحب استیفاسی اولان خزینه مالیه دکل ، خزینه خاصه آلیر ، کندی حسابنه وقاصه سنه کچیرردی . بوسهولت و منفعته مجلوب اولان املاک سینه خارجنده کی اهالی ، موسم تعداد حلول ایدر ایتمز ، قویونلرینی ، سوروسورو ، بورایه نقل ایله تعداد ایتدیررلز و یاریم رسمله قورتولورلردی . خزینه خاصه نك مشروع اولمایان و مغصوب اولان بر منفعتی ایچون ، خزینه دولتک بر حق مشروعی تماماً فدا اولونور و بوسرقت ایقاع ایدلمک ایچون ده خزینه لرك ایکنجی سندن یوزده الی اسقونطو ایدیلردی .

ویرکوده ، اعشارده بویله . دولتک املاک سینه داخلنده قالان منابع وارداتدن مالیه نظارتی ، تام بر ربع عصر ، بر پاره آلامادی . آلتق شویله طورسون ، فریقدن ملازم ثانییه قادار ، اوراده مستخدم ضابطان ایله امرای عسکریه نك رتبه لرینه مخصوص معاش اصلی یی ده بچاره و بیكس خزینه دولت ویریردی . حتی املاک سینه نك ایرغادلری ، چفتجیلری ، چوبانلری مکلفیت عسکریه دن معاف طوتولمشدی . یانی باشنده کی کرکوک ، اربیل قصبه لر یله کویا لرینک جسور وفدا کار کنجلیری ، انسان سورولری شکنده ، و سرحد لرك اوته سنده بریسنده بودولتک ادامه موجودیتی نامنه ایثار حیات ایدر لركن ، سلطان حمیدک قویون سورولرینی اوتلاتان چوبانلر ، حال و آتیدن امین ، قوال چالوب اکلنیرلردی .

دولتک بوسورتله واردات حقیقیه سنه نقصان طاری اولونجه ،

مصارفك - ذاتاً تحملشكن اولان - بارجسىمى ، نقلتى هر كۆن
 بر پارچه دها تزويد ايدهرك ، اهالى ملكيهك - جيليز وذاتاً عاجز
 اولان - اوموزلرينه يوكلندى [*]. پياده ، سوارى ، طوبجى ،
 هر ولايتده هر صنفدن متعدد طابور وآلايلر واردى . بونلرك
 مخصوصاتى اعطايه واردات محليه آرتق كفايت ايدهمه مكه باشلامشدى .
 كويلره تحصيلدار مقامنده - وا كثر يا طوبله مجهز - قطعات عسكريه
 سوق ايديليردى . والى وقوماندان عبدالله پاشانك - او وقت باب
 عالينك وييلديز سراينك قيود وسجلاتنده كچمش اولان - برفريادى
 بو حالى اجمال ايدر . مصارف محليهك تقاضاسيله پايختك كونا كونا
 مطالب وقهرى قارشيسنده صبرى توكنمش اولان بو والى وقوماندان ،
 او زمانك پادشاهيله وكلاسنه شوآجى حقيقتى آب آچيق سويليوردى :

موصول ولايتنده مالصنردقلىرينه كبره آقچينك هر غررشى عسكره

آتلشمه بر قورسوناك مقابلى در .

موصولده بويله ، بغدادده بويله ، بصرهده ايسه دها فجيح ودخراش
 حالده ايدى . بو ولايتلر مصارف محليه ي ، خصوصيله مخصوصات
 عسكريه ي تسويه دن عاجز قالنجه ، اوموزلرنده كى باراداره ، املاك
 سنيه قانغره نندن مصون قالايلمش اولان ولايتلرك دوش ضعيفنه
 يوكلندى . دياربكر ، معمورة العزيز ، سيواس ، حتى آنقره ، قونيه ،
 اطنه ولايتلرى - ذاتاً حددن وتحمليدن افزون اولان - حوالات

[*] اهالى ملكيه واهالى سنيه بنم اثر ايجادم دكلدر . اوراده شايع

ومستعمل تعبيراتدن ايدى كه محررات رسميه يه بيله قبول وادخال ايدلمش ايدى .

آزاسنده ، او زمانکی آلتنجی اوردوی هایونک - بیتمک توکنمک
 یلمین - سندات مخصوصه سنی ده تأدیہ ایتمکه دعوت واجبار اولونو-
 زلردی . نه قادار دفتردار ، نه قادار محاسبه جی ومال مدیرلری امکانسز-
 قنلرک قربان پریشانی اولدیلر ! . . .

کندی کوزلرمله کوردیم : پوسته لر بر طرفدن طولمه باغچه ده کی
 خزینئه خاصه قاصه لرینه عراقدن یوک یوک مجیدیه و آلتون طاشیرکن ،
 دیگر طرفدن ده شمال ولایتلرندن عراقده کی عسکرلره پاره یتشدیرمکه
 چالیشیلیردی . محلنک نه قدر مبرم بر احتیاج ویوقسوللق ایچنده قیورا-
 ندیغنی افهام ایچون یالکز بر مثال ذکر ایده می :

بر پیاده ضبطیه نفرینک معاش شهرسی دورت مجیدیه - اوت ،
 سکسان غروش - ایدی . وغالبا آیده بر مجیدیه ده تعیین نامیله
 ویریلیردی . وقت اولدی که دورت مجیدیه آیلقلی بر ضبطیه نفرینک
 ون ، یکر می ، حتی اوتوز معاشی تداخلده قالدی . متراکم آیلقلری
 آلامادن وفات ایتمش اولانلرک عائله لرینه مورثلرینک مالصندوقلرنده کی
 حق ومطلوبی همان هیچ بروقت نصیب اولامامشدر . فقط بوکا
 مارشی املاک سنیه مأمورلری ایشله مش آیلقلری منتظماً استیفا ایتد-
 کلری کبی ، حین حاجتده آوانسده آابیلیرلردی . حسن خدمتاری
 کورولنلره هر سنه ویریلن اکر امیه لرده بشقه ! . . .

اراضی سنیه یی توسیع ایله منابع ایرادی تزید ایچون اقناع ،
 اطعام ، اعمال نفوذ ، تهدید ، جبر وقهر کبی حرکاته او یکر می بش
 سنه ظرفنده بر کون ، بر ساعت توقف ویرلمدی . برنجی عثمانی
 نشانک یشیل قوردونلرندن مانتللی طویلرک کولله لرینه قدر وسائطک

هر نوعه مراجعت ایدلمشدی . شمالده کی موصل ولایتده کورولن
 - قومشولردن مسروق ومنصوب - مناظر عمراندن بیله جنوبده کی
 بصره ولایتک اراضی سنیهسی محروم ایدی . عماره و متفک
 سنجاقلرنده کی مقاطعات سنیه ، تاریحک ضبط و قید ایده مدیکی عصر-
 لردن بری ، او طوپراقلرده ساکن اولان بیچاره لره هر سنه التزامه
 ویریلیرکن نه قادر قانلر دو کولور ، نه قدر جانلر و خانمانلر یاناردی ؟ ...
 بونی ده مقاله آتیته ده ایضاح ایده جکز .

بیلیم شیمدی نصلدر ؟.. بزم اداره مزده ایکن بصره یه هندستان
 طریقیله بحر آکیدنلر ، خسته لق اولسون اولماسین ، آلتی کون قارانتنه
 بکله مکه مجبور ایدیلر . بو آلتی کونلک چله بی هنوز اجمال ایتمه مشدک ؛
 منتفک سنجانک مرکزی اولان (ناصریه) قصبه سی قربنده عشایرله
 برمصادمه واقع اولدیغنی و میرلوا مصطفی پاشانک قوماندا ایتدیکی طقوز
 نظامیه طابورینی عربانک مغلوب ایتدیکنی خبر ویردیلر . [*]

بصره ولایتی داخلنده اوتهدن بری صیق صیق بویوک و قانلی
 مصادمه لر تحدث ایتدیکنی بیلیر و ایشیدیردم . بونکله برابر ، برمیرلوا
 قومانداسنده کی طقوز نظامیه طابورینک ، یالکز تفنگله مجهز ، عشایر
 بدویه افراد غیر منتظمه سنه مغلوبیتی خبری بی هم متأسف ، هم تدهیش
 ایتدی . عماره متصرفی و بصره والی و کیلی راقم افندی قارانتنه محلنده
 حادثه بی بکا تبلیغ ایدرکن ، مصطفی پاشانک ارکان حربیه صنفندن
 یتیشمکله برابر ، پک قیمتسر و زه وزه کک بری اولدیغنی ده سویلشدی .
 قیمتسر ، زه وزه ک ! .. فقط بونلرک هیچ بری ، حادثه نک و (۹)
 رقتک دهشت و اهمیتی ثقلیل ایده مز .

[*] بومیر لوا مصطفی پاشا ، داماد فرید پاشانک صدراعظم ایکن تشکیل
 ایتدیکی معهود دیوان حرب ریاستنده غایت مشثوم برشهرت قازانمش اولان
 ینه معهود و (مرود) مصطفادر .

عراقده کی مصادمه لرك سياسي بر ماهیتی حائز اولمادیغی ده ذاتاً بیلیردم . راقم افدینک افادات و تأمیناتی بونی تأیید ایتدی . اراضینک تقسیم و تصرفنده کی یولسز لقلر اوراده هم مزمن ، هم حاد بر مرض اداری وجوده کتیرمش . بحران ، فرنکلرک ظنی کبی (= politique = سیاسی) دکل ، (agraire) یعنی اراضی به عائد و اراضیدن متولدایدی . (خطه عراقیه اراضیسی مسئلهسی) فی او خطه به کیدن و الیر مرکز اک بویوکی مدحت پاشا مرحوم ، (خاطرات) نده شوسطر لره قید ایتمکه ابتدار ایدر :

« خطه عراقیه جه اسلاف دنبرو بو مثللو غائله لر بر برینی تعاقب ایدوب خصوصیه هندیه و منتفک و بنی لام و حله طرفلرنده نیجه دفعه لر نصل عصیان و اختلالر وقوعه کلدیکی ونه وجهله عسکر سوق اولنه رق محاربه لر وقوعه کلدیکی اورالرك احوالنه وقوفی اولنرك معلومیدر .

« اگرچه بو حادثه لرك اسباب و دواعیسی خصوصنده افکار مختلف اولسيله کیمیسی بو خلفک یعنی عصیان ایدن عشائر افرا دینک عموماً شیعه مذهبنده اولسندن طولانی مأمورین دولته مخالفتلرینی مابینت مذهبییه . « و کیمیسی مشایخ و رؤسا ذمتملرنده اولان اموال میریه یی چور و تمک ایچون « یالکز آنلرك اغفالات و تحریکاتنه حمل ایتمکه ایسه ده بو قدر افراد ناسک عموماً ایکیده برده سلاح بدست عصیان اوله رق قائلرینی دوکمه که مجبور اولمیرینه شو اسناد اولنان اسباب و احوال کافی اوله میوب نظر دقت و حقیقتله « تدقیق و مشهود اولان آثار فعلیه سیله تطبیق اولنه رق محاکمه اولنورسه « تعین ایدر که بو احوالک اصل سبب و منبعی عراق اراضیسنک محال سائره « اراضیسنک معاملات و احکامجه فرق و امتیازی مناسبتیله افراد اهالینک « تصرف اراضیدن و اراضی اوزرنده یتشدریدیکی محصولاتی منافعدن محروم اولسی ماده سیدر .

« اشته عراق اراضیسنک وسعتی و اهالیسنک کثرتی ایله برابر شودرجه .

« خراب قالمسی و سکنه سنک عموماً حال فقر و احتیاجده بولمسی و اولور اولاز
 « سببلره برطاقنک اظهار نفی و عصبیان ایتمسی بتون بومبعدن تخدمت ایدوب
 « اصلاح و تعمیرینک تدبیر و چاره سی دخی ینه بواساسدن آرالیق لازم
 « کلدیکی جهتله بو بؤشمه دائر شو صره ده بعض ایضاحات و تفصیلات و یرمک
 اقتضا ایتمشدر . . . [۷] »

« . . . مستغنی بیا نر که بر مملکتک اهلایسی او مملکتک صاحبی
 « و لایق حقوق مدنی منه منصرف سکنه سی دیمک اولوب منافع مملکتک
 « محافظه سی و ترقی سی دخی برفوته مربوط اولدیغی هالده حقوق مدنی نیک
 « اعظم رکنی اولور تصرف املاک و اراضیره محروم اولور و مبار
 « و مستعار بر هالده بولنازه ضلوم او مملکتک بحق اهلایسیره معرود
 « اولور و بوجهرتده محافظه منافع غیر ندره بولنما من طبعی بیدر . . . [۲] »

آوروپانک شماندن جنوبنه قادار ، ممالک متمدنه خلقنی شدتله
 اشغال و بعضاً پک قانلی حادثه لرله حضور عمومی بی اخلاص ایدن بر مسئله
 حیاتی بی بزم بویوک بر و الیمز ، قالی اللی سنه اول ، بد او تزار چوللرده
 مصادف اولدیغی احوال آراسندن کورمش و آکلامش . (قابلیت
 ملیه) مزک پک بارز برهانلرندن اولان بوفرق و تشخیصی ، مدحت
 پاشانک روحندن طوغان غازی مصطفی کمال پاشا ، ابداع ایتدیکی ظفر لر
 قدر معجزه نمون بر طرز موجزله خلقه آکلاتدی . بویوک ملت مجلسی
 کرسیسندن ،

(ممالکت کویلیلر کدر !)

دیددی .

[۱] [مدحت پاشا ، حیات سیاسی سی ، خدماتی ، منفا حیاتی] صحیفه : ۸۱ - ۸۰

[۲] [مدحت پاشا ، حیات سیاسی سی ، خدماته ، منفا حیاتی] صحیفه : ۲۸ .

یہ مدحت پاشا سویلیور : حضرت عمرک زمان خلافتہ عراق
 قطعہ سی حرباً فتح و تسخیر ایدلشدی . و بوسیله اراضینک اراضی
 خراجہ اعتبار اولونارق ، غزات مسلمینہ تقسیم لازم ایدی . فقط
 جناب عمرک ہر خصوصہ محض عدالت و حکمت اولان افکار و افعال
 صائبہ سی بو خصوصہ تجلی ایتدی . و تصرف اراضیدہ افراد
 اہالینک حصہ دار ایدلسی لزومی ادراک و امر بیوردی . فاروق
 اعظمک شرفصادر اولان ارادہ علیہ سنہ اسباب موجبہ بسط ایدرکن ،
 مدحت پاشا ، افراد اہالی تصرف اراضی حقوقیدہ مقید اولدیہ
 اولور و غزات مسلمینک مریضہ عودتدہ صکرہ امرانک تسلطی
 وقوعبولور ایہ بالطبع عمرقہ سی بولنمایانہ اہالینک محافظہ مملکت
 قیمرہ بولونمایہ بقاری حقیقتی اعلان و تأیید ایدیور .

مدحت پاشا ، بو حقیقتہ (دغارہ حادثہ سی) نامیلہ معروف اولوب ،
 حالا اورالردہ تخطر و حکایہ ایدلمکدہ اولان بر وقعہ دن صوکرہ
 کسب یقین ایتیش و کسب یقین ایتیش اولقلہ قالمیہرق ، اودردلرہ
 بر چارہ سالم آرامش و بولشدن .

عراق اراضینک اوپک قاریشیق و قانلی اصول و صورت تصرفی
 مدحت پاشانک نصل بر قاعدہ مضبوطیہ ارجاع ایتمک ایستہ مش
 اولدینغی ایضاح ایتمک یالکز تاریخہ و یالکز سلطان عبدالحمید ثانی
 املاکی مسئلہ سنک تووضحنہ دکل ، شدتی کیتدکچہ آرتاجق و مملکتک
 ہر صنف و طبقہ کی خلقنی فوق العادہ اشغال ایدہ جک اولان علی العموم
 تصرف اراضی مسائلنک دہ بر پارچہ آکلاشلماسنہ خادم اولاجقدر .

اولیہ برجال و محلدہ یم کہ هر طویدیغمی سویله مکہ قلم مأذون بولونمو۔
 یور [۱] . رمز ایله ، ابهام ایله افشای ضمیر ایتمه که مجبورم :

کچن عصر لردن تا کچن آیه قدر بزه کیمده کلمز دیور لردی .
 و تاریخمک هر صحیفه سی و هر تجلیسی ده - بر دستور قطعی شکنده -
 سویله نن بوسوزی ، و اسفا که پک یمان و بی امان صورتده تأیید
 ایدیوردی ! . مدانیه قصبه سنده کورولدی که کیدنلر آره سنده کلنلرده
 وار . افق امیدمن اوتوز بوقادار آی چکیلمش و سیلینمش اولان
 کونش ، او قصبه نك افقندن بوا میدك افقنه یکیدن انتقال ایتدی .
 حضرت محمدك روحه و اورو حك لایموت اولدیغنه ازلدن ایمانم
 واردر . بو ایمانی - نعوذبالله ! . . . - بوسبوتون تزلزله اوغراد ایله جک
 حادثاتك داها زیاده دوام ایتمه سنه تقدیر الهی مساعده ایتدیکی ایچون ،
 اللهم عنایتنه شکر و حمد ایدرم . بن شیمدی (عراق اراضیسی) ندن
 بحث ایدرکن یالکز ماضی به دکل ، کیم بیلیر ، بلکه اوزاق ، یاقین
 بر استقباله عائد مباحثی تدقیق ایله ده ، آز چوق ، اشتغال ایتمش
 بولنیورم .

أوت ، مدحت پاشا عراق اراضیسنك مسائل تصرفی نصل تنظیم
 ایتدی ؟ . . . نمرود مصطفانك قومانداسنده طقوز نظامیه طابورینك
 تارمار اولدیغی کوندن سوکره بن نه لر کوردم و ایشیتدم ؟ . . . بونلری
 کله جک مقاله لرده اتیان ایتدکن سوکره ، سلطان عبدالحمید ثانینك
 اورالرده کی چفتلکلرینه و پترول معدنلرینه نقل کلام ایده جکم . انشاءالله .

[۱] بوسطرلر انتشار ایدرکن وحیدالدین هنوز پادشاه و متفکری اولان دول
 محاصمه نك قوتلریله سانسورلری ایسه اولنک یا تخته کندیسندن زیاده مسلط ایدی .

عراقك اداره سى ساسانيلردن اسلامه انتقال ايتدكن صوكره ، حضرت عمر ك ، بالخاصه اراضى حقنده ، وضع ايتديكى اصول واساس ، او مبارك قطعه نك كلدانيلر و آثوريلر زماننده كى معموريت ورفاهتى فضله سيلاه اعاده ايده بيلدى . دجله ايله فراتك در آغوش ايتدكلرى خطه متطاولوده كى شوكت و عمران بو ايكي نهر ك تلاقكاهندن داها آشاغيله : بصره كورفوزى ساحللىرینه قدر امتداد ايدىيوردى . منحوس بر خليفه نك اقصاى شرقده ايفاظ ايله كندى طوپراقلىرینه قادار دعوت و جلب ايتديكى (موغول) فتنه سى آسيادن ممالك اسلامك بر چوغى وهمان هپسى كى او كوزل عراقى ده خراب و يباب ايتدى . بو قطعه باشدن باشه ويرانه اولدينى حالده اداره عثمانيه انتقال ايتمشدى . تاريخمز كمال حجاب ايله اعتراف ايدر كه بز جهل واهمالزله عراقك خرابيسى ادامه ايتدك . داها زياده تخريب ايده مدكسه سببى او ديارك بى نظير فيض و بركتيدر .

آرزوى اعمارى ، علم و وقوف ايله مجهز اولدينى حالده ، عراقه كوتورن ايلك - و واسفا كه صوك ! .. - واليز مدخت پاشا ، اورانك اراضيسى شو حالده بولمشدى :

« . . . فتح جليل فاروقيدن صكره قطعه عراقيه دورلوانقلاباته »
 « اوغرايوب اراضينك بالطبع حكىمى دكشمش وعادتا اراضى ميريه »

« حکمی اکتساب ایتشینک دولتجه برشی یالیمه رق اسبی حالده
 « براغلمش و بوده حاصلاتدن عشریرینه ثلث و نصف آلتق و بو قدر
 « اراضی جسیمه خزینۀ دولتک مال و ملکی اوله رق نصل ایستیلیور
 « ایسه او یله تصرف اولتمق ظن و ملاحظه سندن نشأت ایتش ایسه ده
 « دجله و فرات نهرلری آراسنده طولاً ایکی یوز ساعتدن زیاده [۱]
 « مسافه سی بولنان اراضی جسیمه نك زمان قدیمه اولدیغی کبی
 « هر طرفدن نهرلر آچیلوب زراعت ایتک و اشبو انهار ی هر سنه
 « تطهیر و تعمیر ایلک و بونلر ایچون سرمایه و یرمک و الحاصل بو قدر
 « اراضی بریفندک اداره سی کبی طوغیرده طوغری بر اداره ده بولنور
 « هر درلو اجتیاجات و مقتضیاتی دولت مسابنه یا بمور لهیج بر وقتده
 « قابل و ممکن اولمه یه معنی بدیهی اولمغله اراضینک پک چوغی متروک
 « و معطل اوله رق اهالیسی طاغلمش واسکی وقتده خابور و فرات
 « نهرلریله سقی واروا اولنوب معموریت و برکتی مشهور عالم اولان
 « و مزوپوتامی [۲] دنیلان قطعۀ عظیمه چول حکمنه کیره رک شمر
 « و عنزه عربانه و سائر قبائل و حشیه یه جولانکاه شقاوت اولمش
 « و بغدادک آلت طرفنده واقع شطالحیدن قورنه یه قدر شطین بیننده
 « اولان و بونلرک ایکی طرفنده بولنان انهار و اراضی دخی کذلک
 « معطل و خراب اوله رق اکثر اهالیسی حال بدویته کیرمش ... [۳] »

[۱] بیک کیلو متره دن زیاده س . ن

[۲] قرون اولی جغرافیونی (الجزیره) یه Mésopotamie دیرلردی که

یونان لساننده (نهرلر آراسی) ویا (بین النهرین) دیمکدر . س . ن

[۳] (مدحت پاشا : حیات سیاسیة سی ، خدماتی ؛ منفا حیاتی) صحیفه : ۸۳

بر زمانلر حقیقهٔ **بهشت آباد** اولان بغدادی درآغوش ایدن
 فیاض و بینظیر قطعیهی مدحت پاشا ایشته بو حالدده بولمشدی . طائف
 شهسپری اراضی یی ایشتمک ایچون موجود اولان اصول و بدعتی -
 بوسبوتون و اساسندن اولمسه بیله - خیلی تعدیل ایتدی . خزینه
 دولت ، محصولاتک ثلثاتی زراعدن آلیرکن ، مدحت پاشا بومقداری
 ایلك سنه یوزده الیه و سنین تالیده ایسه دهاها آشاغییه تنزیل اید -
 بیور و خزینه حصهسی تنزیل ایدلجکه ، وارداتک زرعیات و عمران
 ایله برلکده تزاید ایتدیکنی کوروپوز ؛ بر طرفدن کلی تسهیلات
 و کونا کون تقسیطرله اراضی یی اشخاص عهدده سنه مال و تملیک ایتمه
 چالیشیوردی . عراقک اولادینی طوپراقلرینه مؤبداً ربط ایدجک
 طریق بو بیوک اداره آدامی هم کشف ، هم کشاد ایتمشدی . عالی
 پاشانک وفاتی اوزرینه مقام صدارته کلن محمود ندیم پاشا ، مدحت
 پاشایی بغداددن قالدیردی . وقتیه آرزوسی خلافه ، شورای دولت
 ریاستندن تبعید ایدمک صورتیه عراقه والی کوندرلمش اولان مدحت
 پاشا ، اوراده کی درت سنهک مساعیسنک ثمراتی دولت نام و حسابنه
 اقتطاف ایدجکی بر زمانده دارالاجتهادندن تبعید ایدلمه سنی هیچ
 آرزو ایتمیوردی . کندی خط دستیه یاروب محمود ندیم پاشایه
 کوندردیکی خصوصی بر مکتوبی کورمشدم . نجد قطعه سنی آنا وطنه
 ربط ایچون واقع اولان تشبثاتی تعداد ایله بر مدت دهاها بغدادده
 بر اقلماسنی - فقط ضمناً - عادتاً رجا ایدی میوردی . عالی پاشانک خلف
 نا خلقی ، نه مدحت پاشانک عراقه لزومنی ، نه عراقک مدحت پاشایه
 احتیاجنی دوشوندی . اللهم او حوالییه نعمت مخصوصه سی اولان

بو والی بی هم عزل ایش ، هم یرینه کوندردیکی بیچاره به مدحت پاشانک او حوالیده کی بالعموم آثار و تاسیساتی احاطه سنی امر و توصیه ایشدی . . . بو ، محققات تاریخه دندر .

مدحت پاشانک عراقده آچدیغی دور عمران ، آنفاً سرد ایتدیکم سبدن طولایی ، دوامه امکان بولامادی . و محمود ندیم پاشانک بالا- التزام ایقاع ایتدیکی خرابی بی ، بش بسنه سوکره تحث ایدن ۹۳ سفری تشدید ایتدی . دجله و فرات نهرلرینک متمادی و خاسر بوسه- لری آلتنده او زواللی قطعه یکیدن چول ، یکیدن آجلغه صحنه ، یکیدن قتالره معرکه و مذبحه اولغه حاضر لامشدی .

هجرتک عصر حاضری اوائلنده آغوب پاشا سلطان عبدالحمیده دیدی که :- عراقده صاحبلی ، صاحبسز برچوق اراضی ، برچوق منابع ثروت وار . - بونلری دولت نامه اداره و اعمار ایتدیکی نه آغوب پاشا ایسته مش ، نه افندیسی خاطرینه کتیرمشدی . ۹۳ سفرنده روم ایلینک اک کوزل پارچه لرینی و آناتولینک اک مهم اوچ سنجاغنی دین و دولتک دشمنلرینه قاپدی رکن ، هیچ برتاثر اظهار و بلکه حس ایتمین بو پادشاه ، عراقک صاحبلی ، صاحبسز منابع وارداتی قارشیسنده کتم هیجان ایده مدی . خزینه خاصه اورالره کمال حرارتله مأمورلر ، مفتشدر ، مهندسدر و آووقاتلر اعزام ایدیوردی : مأمورلر اداره ، مفتشدر مراقبه ، مهندسدر تنظیم و آووقاتلرده عباد اللهک حقوق تصرفه سنی ظل الله فی العالم عهده سنه کچیرمک ایچون نه و . . . هر نه لازم ایسه اجرا ایده جکلردی . مقاطعه لرله صاحبلی ، صاحبسز برچوق یرلر خزینه خاصه نامه نقل اولونویور و بومالکانه لر داخلنده

چالیشان بختياران يالكز ئوليه جك قادار ييه جك و سترعورت ايدە-
 بيله جك قادار كيه جك بولدقلى حالده ، خارجدە قالان پىچاركان
 سد رفق ايدە جك لقمه يى بيله آلدە ايدە مديكى ايجون ، يا آچلقه ويا
 الجاى جوع ايله قيام وعصيان ايدە رك ، عسكر ك قورشونلر يله ئولوب
 كيدىوردى .

بو حال بر ربيع عصر ، اوت ، تام يكر مى بش سنه دوام ايتدى !..
 انجیلده بر آيت وار : الله كنى الله ، قيصرك كنى قيصره وبرا !..
 زواللى بيكس عراقده قيصره و يريله جك هيچ برشى قالماشدى .
 ۱۳۲۴ انقلابنده قيصر آئندە كنى ملتە ويردى . هرا انقلابك مباديسى
 بر آز قاريشيق ، براز سرسم اولور . بو عمومى قاعده دن بزكى ده
 قورتولامادى . امروك منيه يى امروك مدوره ناميله وملت نامنه عيناً
 تسلم ايدن ماليه نظارتى ، بدايت انقلابدن حرب عمومى يه و حرب
 عموميده اوطوپراقلا المزدن چيقنجه يه قادار ، عيناً ابقا وكما فى السابق
 اداره ايتدى . حالبوكه ماليه نظارتى قيصردن آلدىغنى اهالى يه اعاده
 ايدە جكدى . واللهمك ايسته ديكى ده بو ايدى !.. اللهمك ايسته ديكى قوللر-
 جه ده اختيار ايدلمش اولسه ايدى ، بلكه بوفلا كتلر وقوعه كىزدى .
 ۱۳۲۴ سنه سندن ۱۳۳۲ سنه سنه قدر اولان صفحآتى ده ايلريده
 كوروب كوسترمكه چالشاغىز .

سلطان عبدالحمید ثانیین مدوّر اراضی بی اہالی محلّیہ عہدہ سنہ بر نسبت عادلہ ایلہ تفویض ایتمکدن بشقہ اوحوالینک تقریر آسایش وتأمین عمرانی ایچون چارہ بولونمادیغنه کرک اولکی مسموعات واستطلاعاتم ، کرک بصرہ یہ مأمور اولدیغیم صیرہ دہدہ اصحاب وقوفدن اجرا ایتمدیکم تحقیقات اوزرینہ قانع اولمشدم . بغداد والیلکندن یکی عودت ایتمش اولان نجم الدین منلابک افندی عدلیہ ناظری بولونویوردی . وداع اثناسندہ فکریمی مشارالیه عرض ایتمم . افراد عشایرک بوکا حاضر . لامش برحال واستعداددہ بولونوب بولونمادیغنی بیلمدیکی سویلدی . فی الحقیقہ بدوی بی اراضی صاحبی ایتمک ، اورادہ آتیلایق خطوات انقلابک اک بویوکی ایدی . بونکله برابر ، بدوی بی مدنیشدیمرمک ایچون یکانہ چارہ اونی طویراغہ - هر وقت اولدیغی کی میتاً دکل - حیاً ... دیب دیری ربط ایتمکدر . بدوینک آندن سلاحی بوسبوتون آلمق ایچون او آلہ چفت آلاتی ویرملک اقتضا ایدر . نجم الدین منلابک افندی بی تردده دوشورن مال واستعداد دہ آریجه تدقیق اولوناچق واوحال واستعدادک فقدانی تقدیرندہ حصولنه چالیشیلاجقدی . زراعتدن بشقہ هیچ بر منبع ثروتی اولمایان قوجه بصرہ ولایتک مرکز وملحقاتندہ زراعت بانقہ سنک تک بر شعبہ سی بولونمادیغنی دہ داها استانبولده ایکن اوکرندم . بانقہ ، تجارتخانه کی کونا کون

اشكال ايله اورالرده يرلشمش اولان اجنبي ، يرلى مراجه جيلر زراع اهالى يى صويوب طورويورمىش . بالاخره بنده بانذات شاهدى اولدم : اوچ آي صوكره اقتطاف اولوناچق خرما محصولنى ترهين ايدهرك يوزده يكرمى ، يكرمى بش فائض سنوى ايله استقراض ايدن زنكين ، فقير برچوق زراع واردى . زراعت بائقهنك ، شيمديلك هيچ اولمازسه ، بصره ايله عمارهده ومنتفك سنجاغنك . مركزى اولان ناصره قصبه سنده بررشعبه تاسيس ايمهسى ايجون اوزمان نافع ناظرى بولنان حلاجيان افندى يه مراجعت ايدهرك وعد اسعاف آلم . بو مناسبتله وكمال منته سويليه يم كه حلاجيان افندى قادار وظائفنك ايجابايله مملكتنك احتياجاتى بسق ادراك ايدهرك ، عهدهنه مودوع خدمتى وقوف وعفته اينا وبرملكى اعمار ايجون ياپماسى اقتضا ايدن شيلرى اصابتله تعين وعزم ايله تعقيب ايدن بر نافع ناظرى نه اخلافى آراسنده كوستريه بيلير ، نه اسلافى مياننده . چوق يازق كه نظارتى دها زياده دوام ايدهمدى . وينه چوق يازق كه اونك نافعده آچديغى يولى خلفلرى تعقيب ايتمك ايسته مديلر !!

نمرود مصطفى قومانداسنده كى طقوز طابورك منتفك سنجاغنده كى عشاير طرفندن مغلوب ايدليكنى ، بن هنوز بصره قرانته خانه سننده چله چيقارركن ، خبر آلمش اولديغى كچن مقاله ده سنويلىشم . رخنه يى تعمير ايجون چركس يوسف پاشا تاديبات واصلاحاته مأمور ايدلى . حرکاتى حربيه نظارتى ، آلتنجى اوردو واسطه سيله اداره ايتديكندن ، حكومت ملكيه هيچ برشيئه قاريشديرلميوردى . يوسف پاشانك امرينه مرجى اون دورت طابور ويرمىشدى . چركس يوسف

پاشا ، مکتب حربیه دن نشأت ایدر ایتمز ، یوزباشیقله عراق اوردوسنه مأموراوولمش و ۱۲۹۱ تاریخندن بری اوراده ایقای خدمت ایدهرک ، فریقلمکه قادار ارتقا ایتمش ، شدت واستقامتیه مشهور برعسکرایدی . نمرود مصطفانک متفکده کی هزیمتندن رقاچ آی اول ، ینه املاک سینه ویامدوره مقاطعاتندن متولد برحرب داخلیده ، بنی لام والبومحمد عشایرینی مغلوب وتارمار ایتمش اولقله یوسف پاشا شهرت قدیمه سینه یکی برصیت داها علاه ایتمشدی . نمرود مصطفانک آچدیغی رخنی چرکس یوسف پاشانک قاپاداجغنه همان هرکس امین ایدی . وپاشانک مزیات سائره سندن بشقه متفکک شیخ المشایخی سعدون پاشا ایله قرابت صهریه سی اولماسی اوامیتی تقویه ایدیوردی .

یوسف پاشا متفکک سنجانک شطره قضاسنده تمشید ایتدیکی اون دورت طاہوری آلتی آی قادار حرکتسز طوتدی . بر طرفدن غایت کوچوک شیرله : مثلا افراد اهلینک بری برنده اولان حکمی ، حکمسز مطلوباتی تحصیل ایتمکله ؛ دیگر طرفدن پک بویوک ایشرله : مثلا بالعموم سعدونیلر عهده سنده کی اراضی مصادره ویاشترا ایدیلهرک ، اوعائله ارکاننک عراقدن تبعیدی اسبابنک استجصالی کبی تکالیفده بولمقله دمکذار اولیوردی . یوسف پاشانک ده معیتنده کی اون دورت طاہورله برلکده و سلفندن داها فنا صورتده مغلوب ایدلیدیکی خبری بویوک برصاعقه کبی عراق چوللرینک آفاقی ، کونک برنده ، صارصدی . طاہورلر بوزولمش ، نپردن بیکباشییه قادار مختلف رتبه ده متعدد مقتول ؛ اسلحه دن حیوانانه قادار ، نوع نوع ، اشیا ومهمات عسکریه عصاة ائله کچمش ؛ یوسف پاشا هزیمتندن قورتارایلیدیکی بر قیوتله

تحصن ایتمش اولدینی قیشلا داخلنده محصور . وقعه عظیم و وهاه
 اولاده نتیجه سی پک وخیم ایدی . پاشایی مغلوب ایدن (عبوده)
 عشرتک شیخندن او کون بر تلغرافنامه آلم . یوسف پاشانک اجلای
 وظیفه ایله دکل ، اقرباى صهریه سندن سعدون پاشانک غرضی تطمین
 ایچون کندیسنه هجوم ایتمش اولدینی و کندی عشرتک مدافعه نفس
 ایچون مقابله ده بولونارق ، دولته صادق اولدینی بصره ولایتنه تأمین
 ایدیوروتلغرافنامه سنه **الدیصر السلطان** دعاسیله نهایت ویریوردی .
 عمومی بر شکل وماهیته اولان شو حادثه نك اسباب خصوصیه سنی
 تحقیق ایتدم : آل سعدوندن فالح پاشا زاده عبدالله بك عهدده سنه
 برسنه اول احاله ایدلمش اولان بر مقاطعه امیریه نك التزام معاملاتده
 یولسزلق اولدینی بالاخره آکلاشلمش و مجلس اداره ولایتجه احاله نك
 فسخره قرار ویرلمش اولمقله برابر ، بو قراره منتفك سنجاغنده اصلا-
 حات و تأدیباتك اجراسیله سطوت حکومت تقررایتدیرلدکن صوکره ،
 انفاذی قیدی علاوه اولومش . فقط او اصلاحات و تأدیباتی نه نمرود
 مصطفی اجر ایده بیلدی ، نه چرکس یوسف پاشا . عبدالله بك حکو-
 متدن التزام صورتیله آلدینی مقاطعه یی (عبوده) عشرتی رئیس
 (خون) عهدده سنه دور ایتمش و یوسف پاشاده کندیسنی قوتلی ظن
 ایده رك ، مقاطعه یی خیوندن استرداد ایتمه قالدیشمش : ایشته دعوانك
 و مغلوبیتك سبب و اساسی .
 اراضینك تصرفی او شکلده ولدقجه و سلطان عبدالحمیدك آفاق
 عراقده آیدینی جریحه و پانمادقجه ، اوزون سنه لردن بری توالی ایدوب
 کلکده اولان قانلی عربده لرك دهاها پک چوق و بلکه عصر لرجه دوام

ایده جگنه قانع ایدم . او صیره ده بندن شیفره بر تلغرافنامه ایله استفسار مطالعه ایتمش اولان داخلیه ناظری طلعت بك مرحومه جواباً دیمشدم که : « اراضینک تصرفی بو شکله قالدقجه و عراقک اولادی کندی طوپراقلرینه روابط تملکله باغلانمادقجه ، هر تارلاده بر تورک طابوری تحشید واقامه ایدلسه ینه آسایش تقرر ایتیمه جک ، ینه اسف آور و قانلی وقعهر تحدث ایدوب کیده جکدر . »

فقط تقسیم اراضی مسئله سی داها اولدم برایکی دفعه موضوع بحث اولمش ، داخلیه نظارتی سکوت ایله چکیره مدیکی وقتلرده بیله مثبت بر جواب ویرمک ایسته مه مشدی . ییقمقده پک جسور بروطنپرور اولان طلعت بك مرحوم یاقمقده متردد و عادتاً خائف ایدی . منتفک حادثه سنک عواقبنی اصلاح و تأمین ایچون اردو قوماندانی ناظم پاشا ایله بالندا کره اتحاد تدابیر ایدلمک اوزره بغداده عزیمتمی داخلیه نظارتی اشعار ایتدی . ناظم پاشا مرحوم ، یکی کش ، حائر اولدینی واسع صلاحیتلر اسم و شخصنک اهمیتنی برقات دها آرتدیرمشدی . اونک بغداده وصولندن برهفته صوکره بن اورایه کیتدم . پاشا منتفک حادثه سیله پک زیاده مشغول ایدی . مرکز مأموریتته وصولیله برابر ، میرلوا محی الدین پاشایی یدی طابورله منتفکده محصور یوسف پاشایی تخلص ایچون سوق ایتمشدی . ایلمک ملاقاتمزده ناظم پاشایه فکرمی آچیقندن آچینه سویلدم . وسلطان حمیدک یادکار دوری اولان اراضی مدوره بوشکلده طوردقجه دولتک یالکز عراقده دکل ، آناطولی وروم ایلنده کی قوت و مکنتی بیله بورانک آسایشنی اعاده و تأمین ایده میه . جکنی آکلاتمق ایسته دم . ایشته ناظم پاشا مرحومک جوابی عیناً :

— اویله شیمی اولور ؟ . . بن اونلری هم تأدیب ، همده
 خزینه نك مالی اولان طوپراغی ینه خزینه عهدہ سنده محافظہ
 ایدرم .

ناظم پاشایی اقناع ایدہ میہ جکمہ قناعت کتیردم . ووقایعہ انتظاردن
 بشقہ چاره بولنمادیغنی آکلادم . بو محاورہ دن هنوز اون کون چکمہ -
 مشدی کہ ناظم پاشا بغدادده مسافر بولندیغ کوشکہ کلدی . حالی دوشو -
 نجہلی و برآزده مفتور ایدی . میرلوا محی الدین پاشانک ، کوة الامارہ
 مرکزندن چکدیکی شیفرہ برتلغرافنامہ نك محلولنی ویردی . محی الدین
 پاشا کندیسنک عسکر اولدیغنی و ویریلن ہر امری بلاقید و تردد
 ایفا ایتمکہ مجبور بولوندیغنی تقدیر ایتدیکنی بیان و بوجبوریت
 سوقیہ قریباً احراز شہادت ایلہ جکنی تأمین ایتدکن صوکرہ ،
 منتفک اعشاشانک حرکات عسکر یہ ایلہ دکل ، آنجق تدابیر ادارہ ایلہ
 ازالہ ایدیلہ بیلہ جکنی ہم متجدد ، ہم استرحامکار بر لسان ایلہ اشعار
 ایدیوردی . تلغرافنامہ دکل ، عاداتا شہادتہ حاضر لائمش بر عسکرک
 وصیتنامہ سی ! . محی الدین پاشانک اشعاری ناظم پاشانک ہر تصوری ،
 ہر قرارینی ہر ج و مرج ایتشدی . مرکزده کوندریلہ بیلہ جک افراد
 قالماش ؛ موسم مایس ، یعنی عراقک یانوب طوتوشدیغنی بر زمان ،
 صوسز چوللرده عسکر دکل ، حشرات بیلہ کوچ قیملدانیر . یوسف
 پاشا ایلہ رفاقتندہ کی محصور قوتی درحال تخلیص و منہوبات عسکر یہ یی
 استرداد ایدہ بیلہ جکمی ظن ایتدی کمی اورادہ ناظم پاشایہ سوبلدم .
 پاشادہ آنی برشوق وانشراح حاصل اولدی . ینہ اورادہ مسودہ سنی

بالمذاکره ترتیب ایتمش اولدیغمز آچیق بر تلغرافنامه بی منتفک متصرف
و کیلی عاطف بک واسطه سیله عبوده عشیرتی شیخی خیونه ، کندی
امضام ایله ، چکدم . بو تلغرافنامه نك مالی شویله ایدی :

« شطرة المنتفک حادثه مؤله سنک تحدثی متعاقب بصره ولایتنه چکدیککز
« تلغرافنامه ده سزی فریق یوسف پاشا علیه قیام ایتدیرن سبک خصوصت
« شخصیه دن متولد بولوندیغنی و دولت و پادشاهه دائماً صادق اولدیغکزی تأمین
« ایتمش ایدیکز . بغداده کلدیگمه ناظم پاشا حضرتلرینی قوای لازمه ترتیب
« ایتمکله مشغول بولدم . محی الدین پاشا قومانداسیله سوق ایتدیکی طابورلردن
« بشقه دوردنچی و بیشنجی اوردولردن مقدار کافی عسکر چلب ایتمک اوزره
« ایدیلر . تلغرافنامه کزی ناظم پاشا حضرتلرینه ارانه ایده رک ، حادثه نك
« سبب و مسئولرینی تعیین ایتمکجه مسلمان قانتک بیهوده آقتدیرلامسنی رجا
« ایتمدم . مشارالیه رجای لطفاً قبول بویوردیلر . بن بغداددن بصره یه عودت
« ایتمک اوزره یم . بصره ده آنجق برقاچ کون توقف ایده رک ، منتفکه
« کله حکم . ادعا کز صحیح و یوسف پاشا حرکاتنده منطی ایسه مرجعی
« محاکمه ایدر ؛ دکل سه جزا کزی بلامهال ترتیب ایتمه سنی ناظم پاشا حضرتلردن
« بن بانذات رجا ایده حکم . اول امرده یوسف پاشا ایله معیتنده کی محصور
« قوتی همان ترضیه و تعظیم ایله بغداده و عشایر یدینه کچن اشیای عسکریه بی ده
« محلی زدیف انبارلرینه اعاده ایدیکز . »

تلغرافنامه امید ایتدیگم نتیجه بی ویردی . عبوده عشیرتی رئیس
خیون ، امرلر مژک شوق و شکران ایله ایفا ایدیله جکنی یازیور ،
خیونک اشعارینی منتفک متصرف و کیلی تأیید ایدیور ، فریق یوسف
پاشا معیت موجوده سیله برلکده بغداده متوجهاً و سالملاً حرکت
ایتدیکنی ناظم پاشایه عرض ایلور ، کوة الامارده کی یدی طابورله
برلکده اردو مرکزینه عودت ایتمه سنی ناظم پاشا محی الدین پاشایه
بیلدیر بیوردی .

نمرود مصطفی قومانداسنده طقوز و یوسف پاشا قومانداسنده اون درت طاہورک مغلوب و محصور اولدینی و محی الدین پاشانک یدی طاہورله جبراً کیره مدیکی بر منطقه اغتاشه بن ، فقط یکر می ژاندارمه ایله ، هم کیتدم ؛ هم حیثیت دولتی ، ظواہر اعتباریله ، سطحی صورتده محافظه ایتکه چالیشدم . داخله نظارتی باب عالی و ناظم پاشا اوردو ناملرینه حرکت و موفقیت می کمال حرارتله آلقیشلارکن بن عیناً شو جوانی ویرمشدم :

« متفکده فوق العاده هیچ برایش کورولمه مشدر . تشرین اولده .
 « منتظم بر قوت ہمہ حال اورایه سوق ایدیله رک ، دولتک تزلزل ایدن
 « سطوت و حیثیتی اعاده ایدیلملی و فقط ہر شیدن اول سلطان عبدالحمیددن
 « مدور اراضی عشایره تقسیم و تفویض اولونمالی در . »

متفک کیدرکن (برکۃ الحمار) و (سوق الشیوخ) کبی فراتک
 باتاقلقلرله مملو و وخامت هوا ایله مشہور وادیلرنده قارنجہ کبی قاینایان
 عشایر خلقنی حیرتله کوردم . ہپسی تک بر کوملکله ملبسدی .
 راکب اولدیغمز استمبوطہ طوغری آلرینی اوزادہ رق و باشلرینی
 قالدیرہ رق (نحن الجوعان والی پاشا نحن الجوعان - بز آجز ، والی
 پاشا ، بز آجز !) فریادلرینی اسماعہ چالشیورلردی . اوت ، ہپسی
 آج و ہپسی چیلاقدی !

نمرود مصطفانک طقوز ، چرکس یوسف پاشانک اون درت
 طاہورینی بری برینی متعاقب بوزان و محی الدین پاشانک یدی طاہورینی
 طوپراقلرینک حدودندن کری چویرہ رک ، ناظم پاشانک عناد و غرورینہ
 غلبہ ایدن او خلق ، ہم یکر می نفر متواضع ژاندارمامک قارشیسندہ

سلام طورمش ، نیم بر آزده خشین تویجات و موآخذامی حجاب
 واضطراب ایله ، کوزلری یره دیکلمش اولدینی حالدہ ، دیکله مش
 ایدی . چونکه سلطان عبدالحمید ثانیکن بغیرحق ضبط ایتمش اولدینی
 منبع معیشتلرینی بن اونلره اعاده ونجش ایتدیره جکدم . ایشته موفقیتکم
 سری بوایدی . حرب عمومی اثناسنده بیله ، عماره و متفق سنجاقلرینک
 عشایری ، سسلرینی شیخلری واسطه سیله ، تاموصله ، بغداده قاداربکا
 ایصال ایدهرک ، دولته صداقت وعد و بووعدی ایفا ایتدیلر . چونکه
 - شیمدی ینه امروک سینه نامیله استرداد ایدلک تشبثنده بولونولان
 وبونک ایچون بیلیم هانکی دائره دن ، ینه بیلیم نصل حکمسر ،
 تأثیرسز ، هم کولونج ، هم فجیع برقرار استحصال ایدش اولان -
 املاک مدوره یی بن حقیقی وتاریخی اصحاینه ویردیره جکدم .
 فقط تشرین اولدن اول ، ایلولده ، بن بصره دن آیرلدم .

آچیق عریضه

شہزادہ جلیل القدر دولتو نجابتلو محمد سلیم افندی
ابن عبدالحمید خان ثانی حضر تترینہ

نجابتناہ افدمز ،

سلطان عبدالحمید خان ثانی حضر تترینک اکبر اولادی و خاندان
ذیشانترینک رئیس عالی نہادیسکزر . مغفور مشار الہک حیات تاریخیہ -
سنہ تعلق و پوصوقوردینی ماضیدن حال واستقبالی تہدید ایتمکده اولان
بر مسئلہده افدمزی ہر کسدن زیادہ وبلکہ منحصرأ علاقہدار
کوردیکم ایچون ، بو عریضہ ایلہ خاک پای فخیمانہ لرینہ رفع خطاب
ایتمک جرأتندہ بولوندم . معارفہ خصوصیہ ایلہ شرفیاب اولسہ یدم ،
مواجهہ عمومیہده عرض ایتمک اضطرارندہ بولوندیغیم شیلری معروضات
شفاهیہ ایلہ نظر اطلاع دولتترینہ اعلا یدردم . پدرجنت مقررنجیمانہ لرینک
تحت عثمانیہ جلوس ہایونلرندن صوکرہ ، کندی نام و عہدہ لرینہ
کچیردکلری اراضی ایلہ املاکک عراق قطعہ سندنہ بولونانلرینہ عائد
مشہودات ومعلوماتی [ایلری] غزتہ سیلہ انتشار ایدن بش مقالہ
عاجزانہده مجملأ بیان ایتدم . محررات کمترانہ مک منظور ہایونلری

اولقله شرفیاب اولدیغنی امید ایتمکدهیم [۱]. صور انتقال و تصرفی مغفور مشارالیهک هویت تاریخیه لرینه پکده رونق ویره میه جک اولان بو اراضی ایله متفرعاتی عقب انقلابده خزینه دولته ترک و تبرع بویور. دقلری ده معلوم فخیانه لریدر .

متارکبی متعاقب یرلی و یابانجی بعض اشخاصک او اراضی جسمیه بی عهده لرینه کچیرمک ، یعنی بزدن ، صرف ضربه و قایعله ، ایسته میهرک و حتی آغلا یارق آیرلمش اولان ولایتلرک ینه صرف مسلمانلره عائد و اونلره یکانه مدار معیشت اولان طوپراقلرینه یکیدن برحق تسلط آله ایتمک ایچون کونا کون تشبثانده بولون دقلری ، بیلمم ، دائرة اطلاع نجیانه لرینه واصل اولمشی ؟ . . ورثه و علاقه دارانندن برقاچ ذاتک بومسئله ایله اشتغال و حتی حکومتدن ده برقرار استحصال ایتمش اولدقلرینی محقق بیلیورم .

آنف الیان بش مقاله ده بعض تفرعاتی ایضاح ایتمدیکم موادی بوراده اجمالاً افندمزه عرض ایدهیم :

سلطان عبدالحمید ثانی نامنه شمدی دعوی و تعقیب ایلمکده اولان حقوق تصرفیه نک بری مقاطعات سنیهیه ، دیکری عراقده کی پترول منبع لرینه عائددر .

[۱] صاوروق برزوبه نک ، بیلمم نه مناسبتله ، نشر ایتمدیکی برهذ . یاننامه ده بو (هایون) کله سنه اعتراضی متضمن بر فقره مندرج ایدی . او صاوروق زوبه (هایون) ک یالکز پادشاهلره اضافه ایدیله بیله جکنی اعلان ایدیوردی . (هایون) ک فرانسزجه مقابلی Impérial در . و بزم سابق شهزاده لره کچن سنیهیه قادر Son Altesse Impériale دینلیدیکنی احتمال که او صاوروق زوبه ده بیلممز دکل . س . ن

معلوم هایونلریدرکه معادنده حقی تحری وحق اخراج اساساً معلوم ومکشف اولمایان بر معدنی الك اول بولان واستدعا ایدن آدامه اعطا اولونور . معادن مکشفه دن استفاده حقی صرف دولته عأددر . حکومت بو حقی کیف مایشاء ، یعنی مأمورلرینک ایسته دیکی کبی استعمال وهبا ایده مز . بالمزایده الك چوق شرائط نافعہ کوستره جک کیمسه یه ویرلسی نظامنامہ مخصوصنده صراحتہ مندرجدر .

عراقده موجود پترول منابعی من القدیم معلوم ومکشف اولوب ، حتی بر چوغی طوپراغک سطحنده جریان ایدر ، طورور . پدر جتمعقرکزک خزینہ خاصه سی مأمورلرینی بومبعلرک منافعندن خبردار ایدن وشوقه کتیرن نمی اشخاصدن بریسنک واقع اولان فضولی بر استدعاسی ایدی . فضولی دیدم . چونکه اومستدعی ده بومکشف معدنلری مزایده تفویض دکل ، عادتا بر امتیاز شکننده اله کچیرمک ایسته یوردی . بوبابده کی معلومات صحیحہ یی ، مغفور مشارالیه حضر تلرینک سر کتابت وخزینہ خاصه نظارتلرندن بشقه ، یدی دفعه ده صدر اعظمغتی احراز ایش اولان سعید پاشا مرحومک حیاتنده طبع ایتدیردیکی خاطر اتندن عیناً نقل ایشدم . بوقدر فائده لی بر منبع ثروتک آنجق خزینہ خاصه یه لائق اولدیغنی او خزینہ نک غیرت مفرطه ایله معلول مأمورلری تقدیر ایده رک معلوم اولان اراده خود سرانه یی استحصال ایتدیلر . باری ایشله دلسه یدی ! . . خایر ، نه کندیلری ایشله تدیلر ، نه بشقه لرینک ایشله تمه سنه امکان بر اقدیلر . آلمانلرک حقیقاسی کوزلری عروق حیاتیه مزک بر چوغنه وهمان هپسنه اولدیغنی کبی ، بو پترول منبعلرینه ده دیکیلوب قالمشدی . کندی کوزلرمله کوردم : قافله قافله

دوہلر ، صبور و متحمل آیاقلریلہ . بیتمز توکنمز چواللری قطع ایده رک ،
 آمریکا و باکو غاز صندوقلرینی موصل ولایتنه طاشیرکن ، موصلک
 یانی باشنده کی پترول منبعلرندن چیقان مایع خاسر - یاوروسی ٹولمش
 بروالدهنک مہسندن فیشقیران سودکی - ملول و محزون دجلہ نہرینہ
 دوکیلوب کیدیوردی .

افندی حضرتلری ،

ملکترلرینہ پک چوق خدمتار ایش و ارکانی آراسنده کرچکدن
 اعظم تاریخہ یتشمش اولان رومانوف ، ہابسورغ ، ہونزولرن
 خاندانلری برر برر یقیلوب کیتدیلر . چار نیقولانک قراکلق بودرو-
 ملردہ ، اوستریا ایمراطوری شارک و طنتدن اوزاق بر منقادہ جان
 ویرمش اولدینی پک یاقین ماضیہ عائد وقایعدندر . قیصر ویلہلم احتیاج
 واضطرار ایچندہ بولوندینی ایچون خاطر اتنی یازوب صاتمقلہ غائب ایتدیکی
 رفاهت معیشتی قسماً آلدہ ایتمکہ چالیشیور . فقط کرک عراقک ، کرک
 سوریه و فلسطین ایلہ حجاز و ینمک اولادی ہر حالہ و بیک دورلو اہمال
 واحوالہ رغماً ، حالا خاندان آل عثمان ایلہ رابطہ قلیہی قطع ایتمہ مشدر .
 اوچوللرک افقلری ، نجم و ہلالک اورالردن افولنہ آغلایان مرثیہ لری ،
 آلتی سندن بری ، بری برینہ تکرار ایدیور .

اونلر کچمش اولان ہر فلاکتی اونوتدیلر ؛ یالکنز ایلکلری
 در خاطر ایدیورلر . اونلر بر آووج بغدادی برعائلہنک قانی صولادینی
 کونلری اونوتدیلر ؛ یالکنز نجم و ہلالک الم تحسیرینی طویویورلر .
 وماتم ہجرانی طوتیورلر . او اوزاق ولایتلردہ قالان مسلمہ ، خرستیان ،
 موسوی دوستلمک بعضیلرندن آرہ صیرہ آلدیغم مکتوبلری ، یمین

ایدرمکه ، بعضاً آغلامه دن او قویامیورم . خاندان ایله ملت آره سنه قره کدی کبی صوقولمق ایستین سمسارلرک تشبثاتی ، فرض محال اوله رق ، بر نتیجه مثبتیه اقران ایله عائله جلیله کز نامه جدید تصرف قراری ، صورت قطعیه ده ، استحصال ایتدیرلسه بیله ، بو قراری موقع انفاذه چیقارایله جک قوه تأییدیه دنیا یوزنده یوقدر . یالکز تسلیم وتسلم معامعه سنی ایفا ایچون ، لا اقل یکرمی نظامیه فرقه سیله بونلرک تفنکلیری ، میترا یوزلری ، طوپ و طیاره لری اقتضا ایدر .
ادامه تصرف ایچون ده بو قوتک تمادیا اوراده قالماسی و تمادیا اوغراشوب بوغوشماسی لازمدر .

پدر جتمقر کزک خطبه لرده او قونان نام مبارکیله قیشله و قلعه لرک جهه لرینی ترین ایدن طغرای غراسی او تصرفی تأمینه کفایت ایده مه مش ، بشنجی و آلتنجی اوردوی هایونلری ده تام یکرمی بش سنه بیر اتمش قالمشدی . قولکز حادثه تشبثک و قوعندن زیاده شیوعندن قورقیورم .
نجم وهلاک شمدی ماتم هجرانی طوتانلر ، تاریحک ضبط وقید ایده مدیکی زمانلردن بری کندیلرینه احضارغدا و افاضه حیات ایدن طوپراقلره یکیدن بر نجه تسلطک اوزانمق ایسته دیکنی خبر آنجه نه دیمزلر ؟ . . . ونه یاممازلر ؟ . . . فخر کائات افدمزک ید اقدس سماویسیله وجوده کلش اولان بر رابطه نک مؤبدا قیرلمسینه البته قلب شفیق و عقل دقیق نجیبانه لری قائل اولماز . اجداد معالی اتسام هایو-
نکزدن ، اول خلفای عثمانیه ، سلطان سلیم اول حضرتلری آناتولینک شرقنده کی ولایتلری دولت اعلیه لرینک قلمرو حکومتنه حربسز ، یالکز اهالیسنک خاطرینی تطیب اتمک صورتیه ادخال بو یوردقلری

زمان افرادك املاك و اراضی خصوصیه سی شویله طورسون ، طوائف
ملوك اولادندن امرانك حقوق و امتیازات قدیمه سنه بیله طوقونما مشردی .
اوبیوك پادشاهك سز نام معظمنی حامل بر حفیدی ، بر وارث
مستقبلیسكز ؛ طمر لركزده دونن سلیم اولك مرد و اصل قانی اولمالی در .
طینت بلندیکزك حقسز اقدن اجتناب و انتر اه ایتدیكنی كورمك هر کسی
ممنون و هر قلبی ذات و خاندانكزه ربط ایده جكدر . پدر جتمقر
عایلرینك بر زمان تصرف ایتك ایسته مش اولدقاری اراضی ایله
دیكر منابع ثروت ، اوولایتلر اهالیسنك محتاج و مستحق اولانلرینه
بلاقید و شرط ترك و تبرع ایدیلیر و بوشاهانه و عالیجنابانه احسان ،
جانب نیجیانه لرندن بر بیاننامه رسمی ایله اعلان بو یورولورسه هم ماضی به
عائد بر خطا تعمیر ، هم استقباله عائد بیك امل تطمین ایدلش اولور .
بو یله بر بیاننامه یی تزین ایده جك سلیم امضای غر آسنی امت مرحومه
سلیم اولك طغراسی قدر سه وه جك و تحیل و تقدیس ایده جكدر . باقی
قاطبه امور و احوالده فرمان حضرت ولی الامر افندیمر كدر .

بغداد والی اسبق عبد مملوكری

۵ ربیع الاول ۱۳۴۱

سلیمان نظیف

ذیل

بوصیفہ لک انتشار نہ اوہ آئی آی صو کرا ، عثمانہ او غلبہ لک ،
شرع و حقوقہ ذاتاً محلی اولیایانہ ، خلافت صفتی وہ مجلس ملیتک یک
محمی و لازم برقراریہ نزع ایڈلرک ، افرادی حدود خارجہ آیلدی .
پیروندہ اختیار اقامت ایتمہ اولانہ محمد سلیم افندی ایڈ عبد الحمید ثانیٹک
دیگر وار تکرینہ سوربہ ده کی هیضکطری اعادہ بہ فرانسه حکومتک قرار
یرمہ اولدیغی غزتلر یازدیلد . نو ضربک درجہ صحتی مجبہ اولدی .
اگر موثوقینی تعین ایڈرہ بہ اصلا تعجب ایتمم . ظن اولو عمامین کہ
فرانسه حکومتی بو تصرفی برصہ مشروع تلقی ایتمکی ایچونہ ، اولی ایقا
ایتمکله عدالتیورلک کومسترمک ایستیور . بو قراریلہ بابو شہزادہ
وسلطاندرہ جزئی بیبارا ویرہرک ، اوجسیم اراضی بی فرانسه سرمایہ نہ
ویونہ برہانہ مال و مملوک ایڈرہ جکدر . انکلیز لردہ احتمال — فصل
احتمال ! . . . حتی حقوق — فلسطین ایڈ عراق و نجدہ کی اراضی بہ خستہ لوق
کبی بولاشمہ اولانہ معرہود هو تصرفی او مجرادہ کندی عمرہ لربہ
نقل ایڈر لرد . انکلیزہ لرد کسرنہ زیادہ بیلر کہ شمیرکی معظم قندستانہ
ایمیر الطور لغی متواضع بر انکلیز تجارت شرکتدرہ دو غمشدر .

فاعبتروا یا اولی الابصار ! . . .

فقط اوزار لک مسلماندری آرماندرہ بصیرت صاحبدری فالشمی بیلمم ؟ . . .

رسمی وثائق متعدده دن برنی نمونه اولارق بورایه
نقل ایتمک مناسب کورولدی :

عمارهدن :

شیفره تلغراننامه

داخلیه نظارتنه

احوالی آلتی آیدن بری تعقیب ایتمدیکم عماره سنجاغنک روح آسایشی
اخیراً مرکزنده اصرار ایتمدیکم برهفته ظرفنده برقات دهها تدقیق ایتم .
خاقان مخلوعک حرص خاش و بمجنونه اک چوق هدف قالان یرلردن بری ده
عماره اولمش دینیه بیلور . املاک سنیه نامیله اداره اولنان جسم مقاطعه لک
اصرا حاله سی رؤسا و افراد عشایر میانته قانلی اختلافلر قویه قویه شو قوجه
لوایی بر مذبحه حالته کتورمش و بوکا طوغریدن طوغری به خزینه جه اداره
اولنان مقاطعاتک دغدغه حاله سی ده منضم اولشدر . هر مقاطعه تک اهالیسی
فرنکلرک (سرف [۱]) دیدکلری تیمورباش اشیا مثللو اشخاصدن عبارت
بولنیور . ملترملر ایسه بش یوزدن بیک و بیک بش یوزه قدر (حوشیه)
نامیله مسلح عسکر بسله مکده درلر . عماره بی اصلاح ایچون نه قدر عسکر سوق
اولنورسه اولنسون بو حال موجود اولدجه تسکین شورش اولنه ماز . مختلف
آدملرله کوروشدم . اراضی اهالی به تقسیم وهرخانه به مثلاً الی دوم اعطا
اولنورق بدلی عشرله برابر اون سنه ده مقسطاً استیفا اولنورسه هپسی
اسکانه و تحریره ممنوناً راضی اوله جق . یالکز عسکرلکک دهشتندن احتراز
ایتملرینه محل قلامق اوزره یکیدن تحریری اجرا اولنه جق عشایرک اون سنه

[۱] Serf اراضی ایله برلکده بیع و اشترا اولونان بیوایه چفتجیلره دینیبرکه عراقک

و بالخاصه بصره تک اکثر زراع رفا حینی بو حالده کوردم .


خدمت عسکریه دن معفو طوئلری مناسبدر [۲] . اهالی بو صورتله اراضی یه ربط اولورسه وطنپرورلک حس علویسی حاصل اوله جنی کبی هرکس کندی ملکدک محافظ صادقی اولور . خزینة خاصه دن مدور مقاطعاتک ذاتاً منتظم خریطه لری موجود اولوب دیکر لرینک ده سرعتله خریطه سی بالاخذ غایت مستقیم اعضادن متشکل ایکی قومیسون واسطه سیله توزیمی مناسب و الزمدر . شو مسئله خیریه یه نه قدر ارکن باشلانجق اولورسه مملکتک خیروامینی اونسبتده سرعتله تأمین ایدلمش اولور . ۲۶ نیسان ۱۳۲۶

بصره والیسی

سليمانه نظيف

[۲] شونیه شیمدی علاوه ایدیم که بصره تک قبائل و عشائری اولایت ید تملکمه کچدیکی زماندن ایزدن چیقدیکی کونه قادار نه تسجیل نفوس معامله سی کورمش ، نه ده مکلفیت عسکریه یه تابع طوئلشدی .





۳

فیاتی ۱۵ غروشدر

مرکز توزیعی : باب عالی جاده سنده خلق کتبخانه سیدر .

مالطه کیجه لری

سلیمان نظیف بک افندی نیک صوگ اثری اولوب یاقینده نشر ایدیله جکدر .